



ՀԱՅՏԱՐԱՐՈՒԹՅՈՒՆ

«ՃԱՄՊՐՈՒԿ 2020» լրագրողական ամենամյա մրցույթ

Հայաստանում ՄԱԿ-ի Փախստականների գործակալությունը եւ ՀՀ Տարածքային կառավարման եւ ենթակառուցվածքների նախարարության Միգրացիոն ծառայությունը շարունակում են «ՃԱՄՊՐՈՒԿ» ամենամյա լրագրողական մրցույթի տասնամյա ավանդույթը:

Այս տարի մրցույթին կարող են ներկայացվել 2020 թ. հունվարի 1-ից մինչև 2020 թ. նոյեմբերի 15-ի ժամանակահատվածում հրատարակված նյութերը՝ հետեւյալ թեմաներով.

- COVID-19 համավարակի տնտեսական եւ սոցիալ-հոգեբանական ազդեցությունը տեղահանված անձանց եւ միգրանտների կյանքում.
- ապաստան եւ միջազգային պաշտպանություն.
- փախստականներ եւ ինտեգրում.
- վերադարձ եւ վերահիտեգրում.
- քաղաքացիություն չունեցող անձինք եւ նրանց խնդիրները.
- միգրացիան համավարակի պայմաններում:

Մրցույթին կարող են մասնակցել հեռուստատեսության, ռադիոյի, տպագիր մամուլի, էլեկտրոնային մեդիա ոլորտի բոլոր ժանրերում գործունեություն ծավալող լրագրողներ եւ թղթակիցներ, անկախ բլոգերներ, լուսանկարիչներ, մուլտիմեդիայի մասնագետներ:

Մրցույթի արդյունքների ամփոփմամբ կազդարարվեն **1-ին, 2-րդ եւ 3-րդ մրցանակների հաղթողները**, ինչպես նաեւ կընտրվեն երկու խրախուսական մրցանակների հաղթողները:

Մրցույթի մասնակիցների առաջադրած աշխատանքները կքննարկվեն ժյուրիի կողմից եւ կամփոփվեն մրցանակաբաշխության հանդիսավոր արարողությամբ՝

2020 թ. դեկտեմբերի 18-ին՝ Միգրանտների միջազգային օրը:

Նյութերն անհրաժեշտ է ուղարկել մինչև 2020 թ. նոյեմբերի 20-ը, ժ. 23:59, էլ-փոստի armye@unhcr.org եւ migrationservice.sms@mta.gov.am հասցեներով՝ պարտադիր նշելով հետեւյալը.

- հեղինակի անունը եւ ազգանունը,
- կոնտակտային տվյալներ (հեռախոսի համար, էլ-փոստի հասցե),
- հրատարակման ամսաթիվը, հղումը, հեղինակության լրացուցիչ հիմնավորում (եթե մասնակիցը տեսնում է դրա կարիքը),
- լրատվամիջոցի անվանումը:

Հարցերի դեպքում խնդրում ենք զանգահարել հետեւյալ հեռախոսահամարներով. 091 41 61 27; 060 27 50 36:

«ՃԱՄՊՐՈՒԿ 2020» լրագրողական մրցույթի նպատակը թեմատիկ լուսաբանման ոլորտում լավագույն փորձը խրախուսելն է: Հայաստանում փախստականների, տեղահանված անձանց, քաղաքացիություն չունեցող անձանց եւ միգրանտների ու նրանց ինտեգրման գործընթացների վերաբերյալ գրագեղ եւ ազդեցիկ մեդիա բովանդակությունը քաջալերելով նպատակ ունենք ոգեշնչելու լրագրողներին առավել ընդգրկուն, ճշմարիտ եւ անաչառ մոտեցումներ ցուցաբերելու տեղահանված անձանց եւ միգրանտների վերաբերյալ լրագրության եւ լուսաբանման գործում: